

Ժողովուրդ

166
(3016)

28 նոյեմբերի հինգշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԳՅՈՒՄՐՈՒ ԲՊ ՂԵԿԱՎԱՐԸ ԹՄՐԱՆՅՈՒԹԻ ՄԵԿ ԹԵՍՏ Է ՀԱՆՁՆԵԼ



Գյումրու քաղաքապետի՝ ԲՊ-ի կողմից չեղարկված թեկնածու, ԱԺ պատգամավոր Կարեն Սարուխանյանը թեեւ հրապարակեց իր կողմից հանձնված թմրանյութի թեստի արդյունքները՝ հայտարարելով, թե թմրամուկ չէ, բայց մասնագետները պնդում են, որ արյան եւ մազի միջոցով արված հետազոտությունները առավել հավատարման են, քան մեզի թեստի տվյալները:

Եվ այսպես, հաստատելով «Ժողովուրդ» օրաթերթի կողմից արված բացահայտումը՝ ԲՊ-ական Կարեն Սարուխանյանը հանրայնացրեց թմրանյութի թեստի իր արդյունքները: Նա, նոյեմբերի 12-ին կայացած ԲՊ վարչության նիստից հետո, մեզի թունաքիմիական հետազոտություն է անցել եւ հրապարակեց, որ 20 հետազոտություններից 1-ն է դրական եկել՝ բարբիտուրները, որոնք կան կատվախտի թուրմի մեջ (валерьянка), կարվալուլի եւ այլն:


«Ժողովուրդ» օրաթերթը կապ է հաստատել «Կախվածությունների բուժման ազգային կենտրոնի» տնօրեն Սուրեն Նազիսյանի հետ՝ հասկանալու՝ արդյոք միայն մեզի միջոցով արված հետազոտությունը արտացոլում է ողջ իրականությունը՝ մարդը թմրանյութ գտագործել է, թե ոչ: Մասնագետը «Ժողովուրդ» օրաթերթին բացատրեց, որ տարբեր թեստեր գոյություն ունեն. «Հերոինի դեպքում մի թեստ, կոկաինի դեպքում մեկ այլ թեստ, բարբիտուրների դեպքում մեկ ուրիշը, բայց գոյություն ունեն ավելի առաջատար՝ ավելի ապացուցողական մեթոդներ, որոնք իրականացվում են ավելի լրջագույն միջոցներով: Թեստեր կարող են բոլորը ձեռք բերել եւ հետազոտել: Թեստերով հետազոտում են միայն մարդու մեզը: Իսկ, օրինակ, քննչական մարմինները, Նախաքննչական մարմինները իրենց որոշումներով մեզ մոտ հետազոտությունների են նշանակում մարդկանց, որոնց կասկածում են թմրամիջոց օգտագործելու համար, եւ այդ դեպքում վաղեմության ժամկետի պատճառով մեզնից պահանջում են, օրինակ, մազի մեջ հայտնաբերել ինչ-որ բան», - «Ժողովուրդ» օրաթերթին մանրամասնեց Նազիսյանը: Հետաքրքրվեցինք՝ ո՞ր մեթոդի միջոցով է հնարավոր մարդու օրգանիզմում ճշգրտորեն հայտնաբերել թմրանյութի հետքեր, մեզի, մազի, թե՛ արյան միջոցով, ինչին ի պատասխան՝ Նազիսյանը ասաց. «Արյան միջոցով հնարավոր է, բայց արյան միջոցով չի արվում: Ինչո՞ւ, որովհետեւ մեզով կամ մազով հնարավոր է անել: Արյունով ստուգելը հնացած է, բայց էլի արվում է, - ասաց «Կախվածությունների բուժման ազգային կենտրոն»-ի տնօրեն Սուրեն Նազիսյանը:

Այսինքն՝ քննչական մարմինները համարում են, որ ամեն դեպքում արյան եւ մազի միջոցով հնարավոր է առավել ճշգրիտ ստուգել՝ մարդն օգտագործել է թմրանյութ, թե՛ ոչ, քանի որ արյան, մազի մեջ թմրանյութը ավելի երկար է մնում, քան մեզի, որտեղից շուտ է մաքրվում: Այնպես որ, Կարեն Սարուխանյանը, թերեւս, պետք է կրկին թմրանյութի հետազոտությունը:

ԲՊ-ական պատգամավոր, ԱԺ պաշտպանության եւ անվտանգության հարցերի մշտական հանձնաժողովի նախագահ Անդրանիկ Քոչարյանը գտել է իր պաշտոնը պահելու ձեռք. ձգձգում է 44-օրյա պատերազմի հանգամանքներն ուսումնասիրող քննիչ հանձնաժողովի գեկույցի հրապարակումը, որն ամիսներ շարունակ հայտարարում է, թե պատրաստ է, բայց գեկույցն այդպես էլ չի հանրայնացվում: Հանրային հեռուստաընկերությանը տված հարցազրույցում Անդրանիկ Քոչարյանը դեռ սեպտեմբերին հայտարարել էր՝ 44-օրյա պատերազմի հանգամանքներն ուսումնասիրող քննիչ հանձնաժողովն ավարտել է աշխատանքները, եզրակացությունը պատրաստ է, արդեն հոկտեմբերին նամակով դիմելու է ԱԺ նախագահին՝ դռնփակ նիստ հրավիրելու համար, որի ժամանակ էլ կներկայացվի «մի քանի հարյուր էջից բաղկացած գեկույցը»: Իսկ նոյեմբերի 11-ին էլ ԱԺ-ում լրագրողների հետ զրույցի ժամանակ հայտարարել էր՝ «Զեկույցը, որպես այդպիսին, պատրաստ է: Շատ էջեր կան, միայն տեսաձայնագրությունները վերծանելը հսկայական աշխատանք է, որը նույնպես ավարտված է: Հանրությունը դեռ տեղյակ չէ, թե գեկույցի որ մասը փակ կլինի, որ մասը կհրապարակվի, բայց Ազգային ժողովի լիազումար նիստերի դադարում այն ամբողջությամբ կհրապարակվի»,- նշեց Քոչարյանը: «Ժողովուրդ» օրաթերթը պաշտոնապես տեղեկացավ, որ ԱԺ նախագահը մինչ օրս 44-օրյա պատերազմի հանգամանքներն ուսումնասիրող քննիչ հանձնաժողովի գեկույցը քննարկելու օրակարգով ԱԺ փակ նիստ հրավիրելու դիմում չի ստացել Անդրանիկ Քոչարյանից. նա ձգձգում է եւ չի ուղարկում դիմումը: Իսկ ԱԺ նախագահ Ալեն Սիմոնյանը, որ պարտավոր է ԱԺ բնականոն գործունեությունն ապահովել եւ բոլոր ժամկետները պահպանել, չի կարողանում Անդրանիկ Քոչարյանին բերել օրինականության դաշտ: Քոչարյանը «օրենքից վեր» է:



Արծրուն Հովհաննիսյանը ՊՆ-ում կրկին աշխատանքի է անցել: 2020 թվականի պատերազմից հետո ՀՀ պաշտպանության նախարարությունից դուրս եկած եւ երկար ժամանակ անգործ մնացած Արծրուն Հովհաննիսյանը տեղավորվել էր ՀՀ ԱԺ պաշտպանության հանձնաժողովում որպես փորձագետ: Արծրուն Հովհաննիսյանին Անդրանիկ Քոչարյանը հանձնարարություններ էր տալիս, նա կատարում էր: «Ժողովուրդ» օրաթերթը տեղեկացավ, որ արդեն մեկ տարի է, ինչ Արծրուն Հովհաննիսյանը դադարեցրել է աշխատանքն ԱԺ պաշտպանության հանձնաժողովում: Ինչպես ինքը նշեց «Ժողովուրդ» օրաթերթի հետ զրույցում, վերադարձել է ծառայության ՀՀ ՊՆ-ում, իսկ թե որ ուղրտում չմանրամասնեց:



«Ժողովուրդ» օրաթերթի տեղեկությունների համաձայն՝ դատական համակարգում լուրեր են պտտվում, որ ԲԴԽ նախագահ Կարեն Անդրեասյանի հրաժարականից հետո ԲԴԽ հաջորդ անդամը, որը կլքի կառույցը, Երանուհի Թումանյանն է: «Ժողովուրդ» օրաթերթը անձամբ Երանուհի Թումանյանցին հարց ուղղեց՝ կգնա նա Կարեն Անդրեասյանի հետեից, թե ոչ: Դատավորը լսեց հարցը, բազմաձայնակ ժպտաց ու չպատասխանելով՝ հեռացավ: Հիշեցնենք, որ 2022 թվականի հոկտեմբերի 7-ին Կարեն Անդրեասյանն ընտրվեց Բարձրագույն դատական խորհրդի (ԲԴԽ) նախագահ ու իր հետ ԲԴԽ բերեց իր մտերիներին: Մասնավորապես՝ իր սանիկ դատավոր Քրիստինե Սկոյանին ու արդարադատության փոխնախարար Երանուհի Թումանյանցին: Բանն այն է, որ Կարեն Անդրեասյանն ու Երանուհի Թումանյանցը համատեղ աշխատել են Մարդու իրավունքների պաշտպանի (ՄԻՊ) գրասենյակում, որից հետո Երանուհի Թումանյանցն Անդրեասյանի հետ տեղափոխվել է «AM» իրավաբանական գրասենյակ, ապա արդարադատության նախարարություն, ներկայումս էլ ԲԴԽ-ում է: Եվ ահա, նոյեմբերի 18-ին Կարեն Անդրեասյանը հրաժարական տվեց՝ նշելով՝ «Գտնում եմ առանց սկանդալի, մաղձի ու հիասթափության եւ այս թունավոր պաշտոնում իբրեւ ամենաերկարը դիմացած»: Նրա հետեից ԲԴԽ-ում դեռ «դիմանում» են հավատարիմ կադրերը:



ԶՐՈՒՅՑ

ՄԱՐՈՒԽԱՆՅԱՆԸ՝ ԻՐ ԴԵՄ ԱՐՎԱԾ ԲԱՅԼԵՐԻ ՄԱՍԻՆ

«Ժողովուրդ» օրաթերթի գրուցակիցը ԱԺ «Բաղաժապարհական դայմանագիր» խմբակցության դասգամավոր Կարեն Սարուխանյանն է:

-Պարոն Սարուխանյան, երեկ Նիկոլ Փաշինյանը, ըստ էության, հայտարարեց, որ Ձեր թեկնածությունը մերժում են, պետք է ԶՊ-ն նոր ընտրություններ անի, թեկնածուներ առաջադրվեն եւ ժ/պ ընտրվի, որն էլ Գյումրու արդեն համայնքապետի ընտրություններում կլինի ԶՊ-ի թեկնածուն: Ընդամենը երեկ վստահեցնում էիք, որ թե՛ համայնքապետի ժ/պ-ի, թե՛ ընտրություններում համայնքապետի թեկնածուն Դուք եք, ի՞նչ կատարվեց:

-Այն ժամանակ, երբ քննարկվում էր Գյումրու ընտրությունների հարցը, դեռ ժամանակավոր պաշտոնակատար Նշանակելու հարց չէր քննարկվում. օրենքի փոփոխություն պետք է արվի: Տրամաբանությունն այն էր, որ պետք է գնանք արտահերթ ընտրությունների՝ առանց ժ/պ-ի, բայց երբ խնդիր առաջացավ, որ ընտրություններ անցկացնելու դեպքում խոչընդոտներ ենք ունենալու, այդ ժամանակ որոշվեց՝ համայնքապետի ժ/պ կնշանակվի:

Վարչապետը երեկ ժ/պ առաջադրվելու համար կոչով դիմեց գյումրեցիներին, սա նորմալ, ժողովրդավարական մոտեցում է:

-Խնդիրն այստեղ այն է, որ թմրանյութի Ձեր թեստի վերաբերյալ սկանդալից հետո այս որոշումը կայացվեց, ստացվում է՝ Ձեր թիմը Ձեզ մերժեց, որպեսզի ընտրություններից առաջ նոր աղմուկից խուսափի:

-Ես չեմ կարող սկանդալ անվանել դա: Թեստի վերաբերյալ աղմուկը մեկնաբանել եմ, այն մարդիկ, ովքեր դրա արդյունքներում խնդիր կտեսնեն, ես կարող եմ մի նմուշ էլ իրենց տալ՝ տանեն ու ստուգումներ անեն:

-Պարոն Սարուխանյան, հիմա ինքնաառաջադրման նոր ժամկետ է սահմանվել համայնքապետի ժ/պ-ի համար, Դուք կրկին փորձելու եք, կառաջադրե՞ք Ձեր թեկնածությունը:

-Ես հայտարարել եմ, որ քանի դեռ չեմ տիրապետում, թե «փրայմերիզն» (Նախնական) ի՞նչ սկզբունքներով է արվելու, քանի չեմ խորհրդակցել Գյումրու տարածքային կազմակերպության մեր կուսակցականների հետ, չեմ կարող այդ հարցին պատասխանել, ակնկալում եմ



գյումրեցիներին, որ իրենց տեսակետը եւս հայտնեն:

-Նոյեմբերի 26-ին իր ուղերձում Նիկոլ Փաշինյանը նաեւ մի ուշագրավ հայտարարություն արեց, որ հնարավոր է լինեն ինքնաառաջադրումներ ԺՊ-ի պաշտոնի համար, որոնք մերժվեն, սա, կարծես, նաեւ Ձե՞զ էր ուղղված:

-Զի կարող դա ինձ ուղղված լինել: Եթե ես առաջադրվեմ կամ ինքնաառաջադրվեմ, ապա այդտեղ մերժելու հիմք չկա:

-Հիմքը արդեն նշեցինք՝ թմրանյութի թեստի վերաբերյալ բացահայտումն էր:

-Ամեն մարդու մասին կարող են սուտ տեղեկություններ տալ, կան հիմքեր, որոնք ես հրապարակել եմ, մարդիկ ինձ ճանաչում են, գիտեն՝ որն է իրականությունը:

-Պարոն Սարուխանյան, թեստի արդյունքների վերաբերյալ Ձեր գրառման մեջ Դուք ակնարկել էիք, որ հենց Ձեր թիմից էլ եղել են մարդիկ, ովքեր արշավ

են տարել Ձեր դեմ, պատվերներ են կատարել:

-Ես չեմ ակնարկել, որ հենց իմ թիմակիցներն են, ես ասել եմ՝ «քաղաքապետացուներ», իսկ նրանք կարող են լինել ոչ կուսակցականներ:

Գյումրիում մենք ունենք անհատներ, որոնք թիմի որոշ անդամների հետ ունեն լավ հարաբերություններ եւ նույնպես ցանկացել են այդ գործընթացին մասնակցել՝ ինձ սեւացնելու համար, հիմա այդ հնարավորությունն ունեն, կարող են առաջադրվել կամ ինքնաառաջադրվել եւ մասնակցել: Ըստ այդմ՝ չափելի կլինի, թե Գյումրիում ով, ինչ հեղինակություն ունի:

-Այդ դեպքում ո՞ւմ եք նկատի ունեցել, ինչո՞ւ անուններ չեք հնչեցնում:

-Ես նկատի եմ ունեցել բոլոր այն անձանց, որոնք վարչապետի առաջարկությունից հետո փորձել են մտնել գործընթացի մեջ: Ինչո՞ւ անուններ հնչեցնեմ, եթե գյումրեցիները շատ լավ գիտեն:

Զրուցեց ԲԻՍՄԱՆԱ ՍՈՒՇԵՂՅԱՆԸ



ՆԻԿՈՒ ՓԱՇԻՆՅԱՆԸ ՉԻ ՄԱՍԻՆԱԿՑԻ ՀԱՊԿ ԳԱԳԱԹԵՍԺՈՂՈՎԻՆ

ՀՀ վարչապետ Նիկոլ Փաշինյանը չի մասնակցի վաղը (իսր. այսօր) Աստանայում կայանալիք ՀԱՊԿ գագաթնաժողովին: Այս մասին լրատվամիջոցների հետ զրույցում հայտնել է վարչապետի խոսնակ Նազելի Բաղդասարյանը:

«ՀԱՊԿ-ի աշխատանքներին մասնակցությունը սառեցնելու մասով ՀՀ դիրքորոշումը չի փոխվել», - ասաց Բաղդասարյանը:

ԱԳՆԵՍԱ ԽԱՄՈՅԱՆԸ՝ ԳԵՂԱՄ ՆԱԶԱՐՅԱՆԻ ՄԱՍԻՆ

ԱԺ «Հայաստան» խմբակցության պատգամավոր Ագնեսա Խամոյանը սոցցանցի իր էջում գրել է. «Հարգելի լրագրողներ, ի պատասխան ձեր բազմաթիվ հարցերի՝ հայտնում եմ Գեղամ Նազարյանի վերջին հայտարարությունը, թե Նիկոլ Փաշինյանին հեռացնելու օրակարգ չկա, իր անձնական ընկալումներն են, որը, բնականաբար, չի արտահայտում «Հայաստան» խմբակցության տեսակետը:

Մեր թիվ մեկ օրակարգը ինչպես եղել, այնպես էլ մնում է այս իշխանություններին հեռացնելը, եւ բնական է, եթե խմբակցության որեւէ պատգամավոր չի կիսում այդ գաղափարը, հարցը պետք է դառնա քննարկման առարկա:

Խմբակցությունը Գեղամ Նազարյանին մանդատը վայր դնելու «խնդրանքով» չի կարող դիմել, բայց եւ ակնհայտ է, որ քննարկվելու է խմբակցությունում պարոն Նազարյանի հետագա գործունեության հարցը:

Թե ինչ կորոշվի խմբակցության նիստից հետո, պարզ կլինի միայն նիստից հետո: Նիստի ժամկետների մասին հավելյալ տեղեկությունները՝ ավելի ուշ»:

COP17-Ի ԿԱԶՄԱԿԵՐՊՄԱՆ ԿՈՄԻՏԵ ԿԱՏԵՂԾՎԻ

Վարչապետը որոշում է ստորագրել Կենսաբազմազանության մասին կոնվենցիայի Կողմերի 17-րդ համաժողովի կազմակերպման եւ անցկացման նպատակով կոմիտե ստեղծելու եւ դրա կազմը հաստատելու մասին:

«Ղեկավարվելով «Կառավարության կառուցվածքի եւ գործունեության մասին» օրենքի 7-րդ հոդվածի 5-րդ մասով՝ 1. 2026 թվականին Կենսաբազմազանության մասին կոնվենցիայի Կողմերի 17-րդ համաժողովի կազմակերպման եւ անցկացման նպատակով ստեղծել կոմիտե եւ հաստատել դրա կազմը՝ համաձայն հավելվածի:

2. Կոմիտեի նախագահին՝ սույն որոշումն ուժի մեջ մտնելուց հետո՝ մեկամսյա ժամկետում, վարչապետին ներկայացնել առաջարկություններ կոմիտեի աշխատանքներում քաղաքացիական հասարակության ներկայացուցիչների ներգրավման մեխանիզմների վերաբերյալ»,- ասված է որոշման մեջ:

Հիշեցնենք՝ 2026 թ. Հայաստանը հյուրընկալելու է Կենսաբազմազանության կողմերի համաժողովը՝ COP17-ը:

ԱԼԵՆ ՍԻՄՈՆՅԱՆԻ ՄՊԱՌՆԱԼԻՔՆԵՐԻ ՀԵՏՔԵՐՈՎ

ԱՂԱԶԱՐՅԱՆԻՆ ՄՊԱՌՆԱՑԵԼ ԵՆ՝ «ՀԻՇԵՑՆԵԼՈՎ ԹՈՌՆԻԿԻՆ»

SocialMedia.am-ի ժողովրդագրություններով նոյեմբերի 25-ին ԱԺ նախագահ Ալեն Սիմոնյանի եւ ԲԳ խմբակցության դասգամավոր Հովիկ Աղազարյանի փակ հանդիպումը **cus** թե՛ է **անցել**:

Ալեն Սիմոնյանը սպառնալիքներ է հնչեցրել Աղազարյանի եւ նրա ընտանիքի անդամների հասցեին, ընդհուպ ասել է. «Կարող է՝ մի օր թռնակիդ դպրոցից էլ տուն չվերադառնա»:

Տեղեկությունը ճշտելու համար SocialMedia.am-ը կապ հաստատեց Հովիկ Աղազարյանի հետ: Վերջինս, սակայն, խնդրեց իրեն ավելի լուրջ հարցեր տալ:

-Նման խոսակցություն, սպառնալիքներ չեն եղել Ձեր եւ Ալեն Սիմոնյանի խոսակցության ժամանակ:

-Իհարկե՞ ոչ:
-Դուք երեկ պնդում էիք, որ ավելի լավ է Ալեն Սիմոնյանը Ձեզ սպառնար՝ «քան աներ այն, ինչ արեց»: Այդ ի՞նչ է արել նա, որ ազդվել եք, ու որոշեցիք Ձեր՝ մանրատ դնել-չդնելու որոշման մասին չհայտարարել:

-Դուք նայեք իմ պարզաբանումը, ես էմոցիոնալ բան եմ ասել, որը սխալ է հասկացվել, ճիշտ հակառակն է եղել, կարդացեք, խնդրում եմ, 24news.am-ին տված իմ պարզաբանումը:

-Պարոն Աղազարյան, պարզապես Դուք անընդհատ փոխում եք Ձեր խոսքը, որոշումները, ուզում էիք հասկանալ՝ ի՞նչ է կատարվում իրականում:

-Լավ եմ անում:
Այսպես ավարտեց զրույցը պատգամավորը: Ավելի վաղ ArmLur.am-ը գրել

էր, որ Հովիկ Աղազարյանը լրագրողների հետ զրույցում նշել է՝ չի կարող մանրամասներ ասել իր եւ Ալեն Սիմոնյանի զրույցից, որովհետեւ հարմար չի գտնում:

«Ես մանրամասներ ասելու իրավունք չունեմ: Ինքը թող ասի՝ ինչ ուզում է: Ես որեւէ մանրամասնություն Ազգային ժողովի նախագահ պարոն Սիմոնյանի եւ իմ զրույցից կոռեկտ չեմ համարում ասել:

Ես կուզեի, որ Ալեն Սիմոնյանը ինձ սպառնար, քան այն, որ արեց ինքը իմ գլխին: Ավելի լավ է՝ սպառնար, քան այն, որ ինքը իմ հետ խոսեց այդպես: Չէ, վիրավորական չէ, ո՞ր էր, թե վիրավորական լիներ, պատասխան ստանար: Վատ բան չի ասել, ուղղակի ճշտել է ինձ ուրիշ իմաստով», - մանրամասնել էր Աղազարյանը:

ԳՅՈՒՄՐՈՒ ՔԱՂԱՔԱՊԵՏԻ ՊԱՇՏՈՆԸ ԿՈՒՎ Է ԳՑԵԼ ԲՊՈՒՄ

ՈՎՔԵՐ ԵՆ ՀԱՄԱՅՆՔԱՊԵՏԻ ԹԵԿՆԱԾՈՒՆԵՐԸ

ՀՐԱԴԱԴԱՐԸ ՈՒԺԻ ՄԵՋ Է ՄՏԵԼ

Իսրայելի եւ լիբանանյան «Յըզբալ-լահ» խմբավորման միջեւ հրադադարն ուժի մեջ է մտել...

Լիբանանի հարավից վերջին ամիսներին տեղահանված մարդիկ մեքենաներով սկսել են վերադառնալ...

Ըստ հրադադարի համաձայնագրի՝ պետք է վերջ դրվի հակամարտությանը, որն Իսրայելի եւ Լիբանանի սահմանին սկսվել էր 2023 թվականի հոկտեմբերից...

ԻՐԱՆԻՆ ԹՈՒՅԼ ԶԵՆ ՏԱ ՄԻՋՈՒԿԱՅԻՆ ԶԵՆՔ ԶԵՌՔ ԲԵՐԵԼ

Յոթնյակի (G7) երկրները վերահաստատել են իրենց վճռականությունը՝ թույլ չտալու Իրանին միջուկային զենք ձեռք բերել:

Այս մասին ասված է Իտալիայում կայացած Յոթնյակի խմբի նախարարների հանդիպման արդյունքներով հայտարարության նախագծում:

«Մենք վերահաստատում ենք մեր վճռականությունը, որ Իրանը երբեք չպետք է ստեղծի կամ ձեռք բերի միջուկային զենք: Մենք կշարունակենք աշխատել այդ ուղղությամբ՝ հակազդելու Իրանի միջուկային եսկալացիային», - նշվում է փաստաթղթի նախագծում:

G7-ի նախարարները դիվանագիտությունն են անվանել «այս խնդիրը լուծելու» լավագույն գործիքը:

ՆՈՐ ՀԱՐՎԱԾՆԵՐ

Վերջին օրերի ընթացքում Ուկրաինայի զինված ուժերը արեւմտյան հեռահար զենքով երկու հարված են հասցրել Կուրսկի մարզում գտնվող թիրախներին՝ հայտնել է Ռուսաստանի պաշտպանության նախարարությունը՝ ներկայացնելով հրթիռների բեկորների լուսանկարներ:

Ըստ հաղորդագրության՝ նոյեմբերի 23-ին ամերիկյան ATACMS 5 հրթիռով թիրախավորվել են C-400 զենիթահրթիռային դիվիզիայի դիրքերը: Հրթիռներից 3-ը խոցվել է, մյուս երկուսի անկման հետեւանքով կան ավերածություններ եւ տուժածներ:

Ռուսաստանի Դաշնության պաշտպանության նախարարությունը զգուշացրել է՝ պատասխան գործողություններ են նախապատրաստվում:

Հայաստանի երկրորդ խոշոր ֆաբրիկ Գյումրին, նոր կովախնձոր է դարձել ֆաբրիկան դառնում:

Համայնքապետի ընտրությունների օրը դեռ անորոշ է, փոխարենը շատ են թեկնածուները, ովքեր հավակնում են դառնալ Գյումրու քաղաքապետ:

Քաղաքապետի պաշտոնը կռիվ է գցել հատկապես ԶՊ-ի դուռը:

Այսպիսով, թեեւ իշխանությունը դեռ նոյեմբերի 14-ին հայտարարել էր, որ Գյումրիում իրենց քաղաքապետի թեկնածուն պատգամավոր Կարեն Սարուխանյանն է լինելու, բայց նրա՝ թմրանյութի թեստի աղմկահարույց բացահայտումներից հետո, փաստորեն, Փաշինյանը փոշմանել է ու մերժել է Սարուխանյանին՝ հերթական սկանդալը հանդարտեցնելու համար:

Երեկ Նիկոլ Փաշինյանը հայտարարեց, որ մինչ համայնքապետի ընտրությունները ԶՊ-ն դեկտեմբերի 8-ին, 9-ին եւ 10-ին նախնական ընտրություններ կկազմակերպի քաղաքապետի ժ/պ ընտրելու համար, ընտրությունների արդյունքում ընտրված թեկնածուն էլ արդեն կլինի ԶՊ-ի քաղաքապետի թեկնածուն:

Այսպիսով՝ Գյումրու համայնքապետի ընտրություններում, այսպես ասած, իշխանական թելը ներկայումս ունի հետեւյալ տեսքը՝

- Հայաստանի տնտեսագիտական համալսարանի Գյումրու մասնաճյուղի տնօրեն Կարեն Պետրոսյան. հանդիսանում է վարչապետի աշխատակազմի ղեկավար Արայիկ Հարությունյանի մտերիմն է

- Աժ պատգամավոր, Շիրակի նախկին մարզպետ Կարեն Սարուխանյան. թմրանյութի իր թեստի հետ կապված բացահայտումներից հետո սկանդալի կենտրոնում է հայտնվել

- Իշխանական մյուս թեկնածուն վարչապետի տիկնոջ՝ Աննա Հակոբյանի բարեկամ Վահագն Մկրտչյանն է. նախկինում Գյումրու փոխքաղաքապետի պաշտոնն է զբաղեցրել

Իշխանական թեւում քաղաքապետի պաշտոնը իսկական կոմպանիոն էր դարձել, ինչի մասին թմրանյութի իր թեստի արդյունքների վերաբերյալ գրառման մեջ խոստովանել է հենց կարեն Սարուխանյանը:

«Ներթմային քննարկումների արդյունքում չեղավ կոնսենսուս, թե ով է լինելու «Քաղաքացիական պայմանագիր» կուսակցության ապագա քաղաքապետի թեկնածուն:

Արդյունքում՝ կուսակցության վարչությունը որոշեց Գյումրիում ձեւավորել



ԶՊԿ տարածքային կազմակերպությունն էլ ըստ մեր մոտեցման՝ տարածքային կազմակերպության նախագահը դիտարկվելու է որպես տեղի թիմի լիդեր եւ առաջնորդելու է մեր նախընտրական ցուցակը:

Անձինք, ովքեր պատերի տակ մշտապես խոսում էին՝ իբր իրենք են ԶՊ թեկնածուն՝ ունենալով որոշակի հովանավորչություն, բարեկամական եւ անձնական կապեր որոշ մարդկանց հետ, շարունակեցին իմ դեմ արշավը՝ փորձելով անել ամեն բան, որ սեւացնեն իմ անունը եւ ստեղծեն իրավիճակ, երբ փոփոխման ենթակա կլինի թեկնածուն: Այդ ամենը արվում էր շատ հստակ, համակարգված, պատվեր կատարող որոշ բլոգերների թեթեւ ձեռքով գրված հատուկ հոդվածներով, ֆեյք էջերով մկենաբանություն գորղների ձեռամբ՝ իբր Սարուխանյան Կարենը թմրամոլ է»,- գրել է Սարուխանյանը:

Գյումրու սպասվելիք ընտրությունները կարծես լույս սփռեցին ներիշխանական վեճերի վրա եւ կոտրեցին ԶՊ-ի ձեւավոր

ած այն կարծրատիպը, թե իրենք կուռ եւ ամուր մի թիմ են:

«Ժողովուրդ» օրաթերթի տեղեկություններով՝ Գյումրու քաղաքապետի ընտրություններում իր թեկնածություններն են պատրաստվում նաեւ առաջադրել ներքնշյալ անձինք՝

- Գյումրու նախկին քաղաքապետ Վարդան Ղուկասյանը, որը շատ ծայրեր ունի - «Բարգավաճ Հայաստան» կուսակցության կանանց խորհրդի նախագահ Հասմիկ Վիրաբյանը, ով քաղաքական ակտիվ գործունեություն է ծավալում

- Գյումրու ավագանու անկախ անդամ, «Զարթոնք» խմբակցության նախկին ղեկավար Վարդեան Հակոբյանը

- Գյումրու ավագանու «Ապրելու երկիր» խմբակցության ղեկավար Կարեն Մալխասյանը

- «Գործարար» կուսակցությունից Գեղամ Բաղդասարյանը

- «Լուսավոր Հայաստան» կուսակցության անդամ, Աժ նախկին պատգամավոր Սարիկ Մինասյանը:

ՔՐԻՍՏԻՆԱ ՄՈՒԵՏՐՅԱՆ

ՕՐՎԱ ԽՃԱՆԿԱՐ

ԵԳԻՊՏՈՍԻ ԱՓԵՐԻ ՄՈՏ ԽՈՐՏԱՆՎԱԾ ՆԱՎԸ

Տարբեր ազգությունների զբոսաշրջիկների տեղափոխող՝ Եգիպտոսի ափերի մոտ խորտակված նավի վրա Հայաստանի Հանրապետության քաղաքացիներ չեն եղել: Այս մասին տեղեկացրեց ՀՀ արտաքին գործերի նախարարության մամուլի խոսնակ Անի Բաղայանը:

«Նավի վրա ՀՀ քաղաքացիներ չեն եղել», - նշեց ԱԳՆ խոսնակը:

Ավելի վաղ հայտնի էր դարձել, որ Եգիպտոսում՝ Կարմիր ծովի ափերի մոտ, խորտակվել է Sea Story նավը, որի տախտակամածին եղել է 45 մարդ, այդ թվում՝ 31 զբոսաշրջիկ եւ անձնակազմի 14 անդամ: 16 մարդու հաջողվել է փրկել: Նրանցից մի քանիսին փրկել են ուղղաթիռով, այնուհետեւ՝ տեղափոխել հիվանդանոց:

կել: Նրանցից մի քանիսին փրկել են ուղղաթիռով, այնուհետեւ՝ տեղափոխել հիվանդանոց:

ԱԶՏԱՌՄՆԵՐ ԵՎ ՆԿԱՏՈՂՈՒԹՅՈՒՆ ՈՍՏԻԿԱՆՈՒԹՅՈՒՆՈՒՄ

Նոյեմբերի 26-ին տեղի է ունեցել ՆԳ նախարարության կարգապահական հանձնաժողովի հերթական նիստը, որը վարել է ՆԳՆ գլխավոր քարտուղար Արա Ֆիդանյանը:

ՆԳՆ-ից հայտնում են, որ նիստին մասնակցել են ՆԳՆ ՀՈԳՎ պետը, ոստիկանության պետի տեղակալը, Փրկարար ծառայության տնօրենի տեղակալը, ներքին անվտանգության եւ հակակոռուպցիոն վարչության պետը, իրավաբանա-

կան վարչության պետը, ինչպես նաեւ կարգապահական հանձնաժողովում ընդգրկված հասարակական կազմակերպությունների ներկայացուցիչներ:

«Նիստի ընթացքում ուսումնասիրվեցին եւ քննարկվեցին ոստիկանության ութ աշխատակցի նկատմամբ իրականացված ծառայողական քննության նյութերն ու եզրակացությունները:

Փաստական հանգամանքները վերլուծելուց հետո կարգապահական հանձնաժողովը որոշում կայացրեց միջնորդել ծառայողական քննությունը նշանակված պաշտոնատար անձանց՝ ոստիկանության 7 ծառայողի ենթարկել կարգապահական պատասխանատվության՝ առաջարկելով կիրառել «Ոստիկանությունից ազատում» կարգապահական տույժը, իսկ 1 ծառայողի նկատմամբ՝ «Նկատողություն» կարգապահական տույժը»,- ասվում է հաղորդագրությունում:

ԿԱՍԿԱԾԵԼԻ ԶՐԴԵՅԻ ԶԵՏՔԵՐՈՎ

ՎԱՐՈՐԴԻ ՄԵՔԵՆԱՆԵՐԸ ԱՅՐԵԼՈՒ ԳՈՐԾՈՎ ԿԱ ՁԵՐԲԱԿԱԿԱԾ

Իրավապահ համակարգում կասկածելի է այն հանգամանքը, որ Երևանի փոխադադարադատի վարորդի անվամբ հաշվառված Lexus մակնիշի ավտոմեքենաները, որոնք այրել են, հենց նրան են դասկանում: Չի բացառվում, որ փոխադադարադատի վարորդին փաստացի դասկանող մեքենաները այրելով կոնկրետ անձինք Մրմեն Փամբուխչյանին են փորձել «բան հասկացնել», ինչը, օրինակ, կասարվեց ՔՊ-ական Հայկ Մարգարյանի ընտանիքին դասկանող խանութի սարածումը դայթյուն իրականացնելով:



Ավելին՝ «Ժողովուրդ» օրաթերթին 33 քննչական կոմիտեից հայտնեցին, որ կա նախաձեռնված քրեական վարույթ՝ 33 քրեական օրենսգրքի 264-րդ հոդվածի 2-րդ մասի 2-րդ կետի հատկանիշներով: Մեկ անձ, հանցավոր արարքը կատարելու հիմնավոր կասկածի հիմքով, ձերբակալված է: Նախաքննությունը շարունակվում է:

Ինչ զարգացումներ եղան կասկածելի հրդեհից առաջ:

«Ժողովուրդ» օրաթերթը գրել էր. «Մեր տեղեկություններով՝ Անդրանիկ Քոչարյանը ՔՊ-ականների մոտ վստահ պնդել է, թե Երևանի փոխադադարադատ Արմեն Փամբուխչյանի ԱԺ նախկին պատգամավոր Սիեր Սեդրակյանի որդուց՝ Դավիթ Սեդրակյանից, ավտոմեքենա է նվեր ստացել, թաքցրել հանրությունից, իր թիմից: «Ժողովուրդ» օրաթերթը այս հարցադրումներով դիմել էր Արմեն Փամբուխչյանին՝ պարզելու, թե որքանով են իրական այս տեղեկությունները, եւ պատրաստվում է արդյոք Արմեն Փամբուխչյանը աշխատանքից ազատման դիմում գրել եւ հրաժարվել Երևանի ավագանու իր մանդատից: Սակայն Փամբուխչյանը, մեր այս հարցերին ի պատասխան, նշեց, որ տեղեկությունները իրականությանը չեն համապատասխանում: Տեղեկացնենք, որ Արմեն Փամբուխչյանը 2021 թվականին գնել է LEXUS մակնիշի մեքենա, իսկ ահա փոխադադարադատի կինը տարվա ընթացքում մեքենաներ է գնել եւ վաճառել»:

Ահա այս հրապարակումից երկու օր անց հրդեհում են վարորդին պատկանող մեքենաները, ինչը կասկածի տեղիք է տալիս:

Հիշեցնենք, որ Նոյեմբերի 24-ին ամեղծվածային դեպք էր տեղի ունեցել Երևանում: Հրդեհ էր բռնկվել Նոր Արեշ 44 փողոցի տներից մեկի առաջին հարկում գտնվող ավտոտնակում, որտեղ կայանված 2 Lexus մակնիշի ավտոմեքենաներից մեկը ամբողջությամբ այրվել էր, մյուսն էլ դարձել ոչ շահագործելի:

ArmLur.am-ի տեղեկություններով՝ հրդեհված Lexus-ները Երևանի փոխադադարադատ Արմեն Փամբուխչյանի վարորդի անունով են եղել՝ դրանք Հայաստան են բերվել Փամբուխչյանի վարորդի անունով:

ՔՍՆՈՒԿՅԱՆ

ԼՈՒՐԵՐ

ՊԱՏԱՆԻ Է ԳԱՆԱԿԱՆՔԱՐՎԵԼ

Նոյեմբերի 25-ի գիշերը՝ 2:35-ին, հիվանդանոցից ներքին գործերի նախարարության ոստիկանության օպերատիվ կառավարման կենտրոն հաղորդում է ստացվել, որ որովայնի կտրած-ծակած թափանցող վերքով բուժօգնության է տեղափոխվել 15-ամյա պատանի, որի հայրը հիվանդանոցում հայտնել էր, որ որդին նկուղում ընկել է շամփուրի վրա:

ՔՈԳՎ Երեւան քաղաքի վարչության ծառայողները, սակայն, ձեռնարկած օպերատիվ-հետախուզական միջոցառումների արդյունքում պարզել են, որ ժամը 1:30-ի սահմաններում Շոպրոնի փողոցի 1-և կրթանցքի շենքերից մեկի մոտ մի խումբ անձանց միջեւ տեղի ունեցած վիճաբանություն-ծեծկռտուքի ժամանակ պատանուն դանակով հարվածել է ոմն Հայկը:

Հետագա միջոցառումներով ոստիկանները պարզել են վիճաբանության մասնակիցների ինքնությունը: Պարզվել է, որ 15-ամյա պատանուն դանակով հարվածել է ծանր մարմնական վնասվածք է պատճառել Ջրվեժի բնակիչ 22-ամյա երիտասարդը: Նա հայտնաբերվել, ձերբակալվել է տեղափոխվել է ՔՈԳՎ Երեւան քաղաքի վարչություն, որտեղ խոստովանել է կատարած հանցագործությունը:

22-ամյա երիտասարդը եւ կազմված փաստաթղթերը ներկայացվել են Նոր Նորքի քննչական բաժին:

Հանգամանքները պարզվում են:

ԱՐՄԵՆ ԶԱՐԳՅԱՆԻ ՆԿԱՏՄԱՐԻ ՆԵՄՆԱԿԱԾ ՓՈՐՉԱՇՐՋԱՆԸ ԿԲՃԱՏՎԵԼ Է

«Իզմիրյան» բժշկական կենտրոնի տնօրեն, ԱԺ նախկին պատգամավոր Արմեն Զարգյանի նկատմամբ նշանակված 3 տարի ժամկետով փորձաշրջանը կրճատվել է 1 տարի ժամկետով: Այս մասին հայտնել է փաստաբան Էրիկ Ալեքսանյանը:

«Հայաստանի Հանրապետության վերաքննիչ քրեական դատարանը (դատավորներ՝ Լուսինե Ալավերդյան, Գրիգոր Հովհաննիսյան, Կարեն Հովհաննիսյան) Արմեն Զարգյանի գործով մեղադրող դատախազի բողոքը մերժեց, իսկ պաշտպանության կողմի ներկայացրած բողոքը բավարարեց մասնակի՝ առաջին ատյանի դատարանի կողմից Արմեն Զարգյանի նկատմամբ նշանակված 3 տարի ժամկետով փորձաշրջանը կրճատվեց 1 տարի ժամկետով:

Արմեն Զարգյանը կշարունակի մնալ ազատության մեջ», - նշել է Ալեքսանյանը:

ՔՐԵԱԿԱՆ ՔՐՈՆԻԿՈՍ

ԹՄՐԱՆՅՈՒԹ ՊԱՇՏԵԼՈՒ ԳԵՊՔ Է ԲԱՅԱԿԱՅՏՎԵԼ

Համայնքային ոստիկանության Արմավիրի բաժնի ծառայողները, իրացնելով ստացված տեղեկությունները, թմրամիջոց պահելու եւ օգտագործելու կասկածանքով Մրգաշատ բնակավայրում ձերբակալել են Արմավիրի բաժնի են տեղափոխել 50-ամյա տղամարդու: Անձնական խուզարկությամբ նրա մոտ հայտնաբերվել են չորացված, մանրացված կանեֆանման զանգվածով փաթեթներ եւ նույն զանգվածով կաթոցից:

Մրգաշատի տղամարդը հայտնել է, որ հայտնաբերվածը թմրանյութ է, պատրաստել է տնամերձ հողամասում անճեցրած կանեֆից:

Նախաձեռնվել է քրեական վարույթ: Արմավիրի բաժնի համայնքային ոստիկանների հաջորդ բացահայտումը նույնպես Մրգաշատում էր: Ստացված տվյալներն իրացնելով՝ նրանք այցելել են Մրգաշատ գյուղի բնակիչներից մեկի տուն: Տանտերը ոստիկաններին է ներկայացրել չորացրած, մանրացրած դեղնականաչավուն զանգված:

Նախաձեռնված քրեական վարույթի շրջանակում նրա տանը կատարված

զննությամբ հայտնաբերվել է 40 գրամ կանեֆանման զանգված:

Թմրամիջոցի հաջորդ հայտնաբերումն արձանագրվել է Ալաշկերտ բնակավայրում: Ըստ համայնքային ոստիկանների ստացած տեղեկության՝ Ալաշկերտի 31-ամյա բնակիչը աղավաքում պահում է թմրամիջոց:

Ալաշկերտ մեկնած համայնքային ոստիկաններին երիտասարդը աղավաքելից ներկայացրել է կանեֆանման չորացված զանգված: Նա ձերբակալվել է տարվել է համայնքային ոստիկանության Արմավիրի բաժնի, որտեղ խոստովանել է, որ իր ներկայացրած 73 գրամ զանգվածը մարիխուանա է՝ անձնական օգտագործման համար:

Կազմված փաստաթղթերն ուղարկվել են Արմավիրի մարզային քննչական վարչություն:

Հաջորդ դեպքում Արմավիրի համայնքային ոստիկաններն այցելել են Ջանֆիդա: Բացատրական աշխատանքի արդյունքում 59-ամյա տղամարդը իրավապահներին է ներկայացրել կանեֆի չորացրած ճյուղեր եւ 18 գրամ կանեֆանման զանգվածով ապակյա տարա: Հայտնել է, որ կանեֆին անճեցրել է անձնական օգտագործման համար՝ թմրանյութ պատրաստելու նպատակով: Կազմված փաստաթղթերն ուղարկվել են Ար-

մավիրի մարզային քննչական վարչություն:

ԻՆՉ ԳՈՐԾՈՎ ԵՆ ՓՈՐՉԵԼ ԲՆՆԻՉԻՆ ԿԱՇԱՌԵԼ

Հակակոռուպցիոն կոմիտեից երեկ «Ժողովուրդ» օրաթերթին հաստատեցին՝ քրեական վարույթի շրջանակներում քննչական կոմիտեի քննիչ է ձերբակալվել:

Նոյեմբերի 26-ին հրապարակել էինք, որ «Ժողովուրդ» օրաթերթի բացառիկ տեղեկությունների համաձայն՝ Հակակոռուպցիոն կոմիտեի ծառայողների կողմից ձերբակալվել է Կենտրոնի առաջին բաժնի քննիչ՝ 3000 դոլար կաշառքի կասկածանքով:

Իսկ թե ինչ քրեական գործով են փորձել կաշառել քննիչին, մանրամասներն առաջիկայում:

Ավելի վաղ ArmLur.am-ը գրել էր, որ լրատվականի բացառիկ տեղեկությունների համաձայն՝ Հակակոռուպցիոն կոմիտեի ծառայողների կողմից ձերբակալվել է կենտրոնի առաջին բաժնի քննիչ՝ 3000 դոլար կաշառքի կասկածանքով:

Ք. ՍԱՆՈՒԿՅԱՆ

● Ըստ ոստիկանության տվյալների՝ Նոյեմբերի 26-ից 27-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 110 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՉԸՆԴՈՒՆԵՑ ԻՐԵՆ ԱՌԱՋԱԳԻՎԱԾ ՄԵՂԱԳՐԱՆՔԸ

Նոյեմբերի 25-ին Երեւանում հակակոռուպցիոն դատարանում, դատավոր Վահե Դոլմազյանի նախագահությամբ կայացավ Բերդ համայնքի Վերին Կարմիրաղբյուրի նախկին համայնքապետ, նախկին վարչական ղեկավար, ներկայումս Բերդի համայնքապետարանի առաջին կարգի մասնագետ, 1971թ. ծնված Կամո Չոբանյանի դատավարության նիստը: Նրան մեղադրանք է առաջադրված ՀՀ քրեական օրենսգրքի 445 հոդվածի 1-ին մասով, որ վարժական հավաքներին մասնակցելու պարտավորություն ունեցողների ցուցակում 2024թ. փետրվարի 2-ին Բերդի համայնքապետարանից զինկոմիսարիատ ուղարկված անվանացանկում իր որդու՝ Մանվել Չոբանյանի անվան դիմաց գրել է, որ նա գտնվում է ՌԴ-ում, երբ վերջինս այդ ժամանակ գտնվել է ՀՀ-ում: Կամո Չոբանյանի շահերը պաշտպանում է փաստաբան Արթուր Մելիքբեկյանը: Նոյեմբերի 25-ին ավարտվեց նախնական լուսման փուլը, սկսվեցին դատական լուսմանը: Նիստում ՀՀ գլխավոր դատախազության ավագ դատախազ Դավիթ Հարությունյանը ներկայացրեց քրեական վարույթով առկա ապացույցները: Փաստաբան Ա. Մելիքբեկյանը դատարանի ուշադրությունը հրավիրեց այն փաստին, որ քրեական գործում առկա, վարժական հավաքներին մասնակցելու պարտավորություն ունեցողների վերոհիշյալ անվանացուցակը ոչ թե բնօրինակ փաստաթուղթ է, այլ այդ փաստաթղթի պատճենից վերցված 2 թերթ: Նիստի ընթացքում, պատասխանելով դատավոր Վ.Դոլմազյանի հարցին, Կամո Չոբանյանը հայտարարեց, որ չի ընդունում իրեն մեղադրված արարքը, ինքն այդ գործով մեղավոր չէ: Ավարտվեց գրավոր ապացույցների հետազոտման փուլը: Հաջորդ նիստը նշանակվեց 2025թ. հունվարի 7-ին՝ ժամը 11-ին:

ՀԵՏԻՈՏՆԻ ՈՒՂԻՆ ԱՅԳՊԵՍ ԷԼ ԶՎԵՐԱԲԱՑՎԵՑ

Դիլիջանի կենտրոնում քաղաքապետարանի շենքի մոտակայքից դեպի Դիլիջանի բժշկական կենտրոնի հարակից թաղամաս ձգվող հետիոտնի ճանապարհը զարնակից միևնույն հիմն փակ է: Մասնավոր կառուցապատողը տուրիստական քաղաքի կենտրոնում հսկայական հենապատ է սարքել, որպեսզի դրանից ցած շենքեր կառուցի: Դիլիջանի բնակիչներին տարիներին շարունակ ծառայած, ներքե իջնող աստիճաններով հետոսնի կարճ ճանապարհին այդ տարածքը գնած, հենապատ սարքած սեփականատերը իրար վրա դարսված անվտանգություն է պահում: Աստիճաններից մի մասը տարածքի կառուցապատողը ջարդել է: Այս տարվա զարնակը տարածքի կառուցապատողը, ով ներկայացել էր որպես Դիլիջան քաղաքի բնակիչ, «Ժողովուրդ» օրաթերթի լրագրողին վստահեցրել էր, որ հետիոտնի այդ ճանապարհը իրենք շուտով կվերագործարկեն: Դրանից անցել է կես տարի, սակայն հետիոտնի ուղին վերաբացված չէ: Այս հարցում Դիլիջանի համայնքապետարանը՝ համայնքի ԶՊ-ական ղեկավար Դավիթ Սարգսյանի գլխավորությամբ, անգործության է մատնված:

ՈՍՎԱՆ ՍՈՐՈՒՄՆԱՆ ՏԱՎՈՂ

ՕՁԻ ՏԱՐԻՆ «ԽՈՍՏԱՆՈՒՄ» Է...

ԻՆՉ Է ՄՊԱՍՎՈՒՄ ԽՈՅԵՐԻՆ ԵՎ ՑՈՒԼԵՐԻՆ

2025 թվականին մասնավորապես ստացվում է անձնական աճի, կարիքայի եւ ֆինանսների զարգացում:

«Ժողովուրդ» օրաթերթը ներկայացնում է, թե ինչ է սպասվում կենդանակերպի նշաններին:

Այսպիսով՝ կենդանակերպի առաջին նշանին՝ խոյին, որը համարվում է կրակի նշան, եկող տարին խոստանում է նոր հնարավորություններ, սակայն պահանջում է նաեւ խոեղամտություն:

Տարեկազբից խոյերի համար հնարավոր կլինի ստանալ եկամուտ տարբեր աղբյուրներից, չնայած, որ կարելու պայման է վերահսկել ծախսերը եւ խուսափել ավելորդություններից: Նախկինների ունեցվածքի կամ ստացած ժառանգության շնորհիվ եկամտի ավելացում կարող է լինել, բայց արդեն տարվա երկրորդ կեսին:

Ինչ վերաբերում է աշխատանքին, ապա 2025 թվականի ընթացքում աշխատանքի նոր հնարավորություններ կլինեն: Գործազուրկները հնարավորություն կունենան գտնել լավ աշխատանք, հատկապես՝ տարվա վերջին եռամսյակում: Բիզնեսի ոլորտում մարտահրավերներ են սպասվում, բայց հարկ է նշել, որ համբերատարության եւ խելամիտ պլանավորման դեպքում ամեն բան կհանգեցնի հաջողության:

Տարվա ընթացքում հնարավոր են փոքր առողջական խնդիրներ, հատկապես՝ մարտողության հետ կապված: Հարկ է հետևել սննդակարգին եւ ճիշտ ժամանակին դիմել բժշկի:

2025 թվականը խոյերին նաեւ հնարավորություն է ընձեռելու նոր ճամփորդությունների համար: 2025 թվականի մայիսից հետո բացվելու են նոր ուղեորություններ դեպի արտասահման, որոնք կգարգացնեն ինչպես մասնագիտական, այնպես էլ անձնական կյանքը:

2025 թվականին խոյերը պետք է խուսափեն որոշ քայլերից, որոնք կարող են վնասել նրանց հաջողությունները:

Այսպիսով՝ խոյերին խրհուրդ է տրվում չափից շատ ծախսեր չանել, խուսափել ավելորդ ծախսերից: Չնայած նրան, որ եկամուտը հնարավոր է մեծանալ՝ չալանավորված եւ անխոհեմ ծախսերը կարող



են խնդիրներ առաջացնել: Հատկապես պետք է զգուշանալ պարտքեր վերցնելուց եւ ներդրումներ անելուց:

Խոյերը բնավորությամբ պոռթկուն են եւ եկող տարում պոռթկունությունը կարող է խոչընդոտ հանդիսանալ կարիերայի զարգացման համար: Կարելու է խուսափել կոնֆլիկտներից եւ համբերատար լինել գործընկերների ու ղեկավարների հետ:

Անցնելը ցույցերին: 2025 թվականը ցույցերի համար կլինի ակտիվ եւ փոփոխություններով լի տարի:

Ցույցերը տարվա առաջին կեսին կարիերայի առաջխաղացումներ կունենան: Յուրաքանչյուրի ազդեցությունը կբերի նոր հնարավորություններ, աշխատավարձի բարձրացում եւ ավելի լավ հարաբերություններ աշխատավայրում:

Ֆինանսական առումով տարին խոստումնալից է: Հաջող կլինեն հատկապես անշարժ գույքի ներդրումները, սակայն պետք է խուսափել բարձր ռիսկերով ֆինանսական գործարքներից, ինչպիսիք, օրինակ, բորսայի ներդրումներն են:

Սիրո եւ հարաբերությունների առումով տարին եւս նպաստավոր է ցույցերի համար:

ՏՆՏԵՍՈՒԹՅՈՒՆ

ՀԱՅԿԱԿԱՆ ՉՈՒԿԸ ՈՒ ԶԿՆԿԻԹԸ ԿԱՐՏԱՀԱՆՎԵՆ

ԱՐՏ-ՖԻՇ ընկերությունն արդեն 17 տարի շուկա է մատակարարում թարմ, որակյալ ու միջազգային ստանդարտներին համապատասխան ձուկ եւ ձկնկիթ: Ընկերությունն իր արտադրությունը սկսել է թառափազգիներից, այժմ ներկայացնում է իջխանի բազմաթիվ տեսակներ:

Գործարանում ներդրվել է միջազգային փորձ եւ հատուկ տեխնոլոգիաներ՝ համապատասխան միջազգային ստանդարտներին:

ԱՐՏ-ՖԻՇ ընկերության՝ ժամանակակից սարքավորումներով վերագինելու գործընկերն «Ակբա Լիզնի»-ն է, որի աջակցությամբ գործարանում տեղադրվել է նաեւ արեային կայան:

«Տարիների ընթացքում ստացել ենք ձկան յուրօրինակ տեսակներ. ունենք 7-8 տարեկան ձկներ, որոնցից կարող ենք

ստանալ նաեւ սեւ խավիար: Իմ բիզնեսի զարգացման մեջ իր ուրույն տեղն է զբաղեցնում «Ակբա Լիզնի»-ը, որի շնորհիվ ձեռք ենք բերել արտադրամասի սառնարաններ, սառույցի սարքավորումներ, արեային պանելներ, որոնք օգնեցին մեզ զարգացնել արտադրությունը: Արեային կայանների միջոցով կարողացանք մեր ձկան ինքնարժեքը ավելի մասշտաբային դարձնել: Աշխատում ենք սեւ խավիար արտադրելու ուղղությամբ, որը մեր համակարգերի շնորհիվ կվերաձայնենք ու կարտահանենք»,- նշել է ԱՐՏ-ՖԻՇ ընկերության հիմնադիր տնօրեն Արտյոմ Թորոսյանը:

Այժմ ընկերության արտադրանքը առկա է տեղական շուկայում, ինչպես նաեւ արտահանվում է ԱՊՀ երկրներ: Առաջիկայում նախատեսվում է ընդլայնել արտադրությունը՝ իրականացնելով արտահանում նաեւ Եվրոպա եւ Ամերիկայի Միացյալ Նահանգներ:

«Ակբա Լիզնի»-ի 100% բաժնետերը «Ակբա» բանկն է:

Սիրային կյանքում հնարավոր են զգացմունքային զարգացումներ եւ ամուր կապեր: Երկարաժամկետ հարաբերություններում կարող են բնակարկվել ամուսնություն եւ ընտանիքի ընդլայնում: Հարաբերությունների մեջ չգտնվող ցույցերը նոր եւ լուրջ հարաբերություններ կունենան: Տարեկազբին հնարավոր են թյուրըմբռնումներ կամ ձգձգումներ, որոնք պետք է հաղթահարել համբերատարությամբ եւ պարզ հաղորդակցությամբ:

Առողջության առումով ցույցերը պետք է ուշադրություն դարձնեն իրենց կենսակերպին: Սթրեսն ու վատ սովորությունները կարող են խնդիրներ առաջացնել, ուստի անհրաժեշտ է պահպանել առողջ սննդակարգ եւ պարբերաբար զբաղվել ֆիզիկական վարժություններով: Հատուկ ուշադրություն է պետք դարձնել ստամոքսի, մեջքի եւ արյան ճնշման հետ կապված խնդիրներին:

Այս ամենը, իհարկե, հետաքրքիր է, սակայն պետք է հասկանալ, որ հաջողությունները կախված են ձեր իսկ գործողություններից, պլանավորումներից:

«Ժողովուրդ» օրաթերթը սույն կյուբի համար օգտվել է միջազգային աղբյուրներից: ԱՆՆԱ ՍՈՐՈՒՄՆԱՆ

Ակբա Լիզնիզը վերահսկվում է ՀՀ ԿԲ կողմից

ԶԻՆՎԱԾ ՄՏԵԼ ԵՆ «ԽՈՍՏՐՈՎԻ ԱՆՏԱՌ» ԱՐԳԵԼՈՑ

Վայրի բնության եւ մշակութային արժեքների պահպանման հիմնադրամը հայտնել է, որ «խոսքի անտառ» պետական արգելոցի սահմանակից տարածքում արտակարգ միջադեպ է տեղի ունեցել:

Մի խումբ անձինք՝ զինված ակոսափող հրազենով, որսորդական հանդերձանքով եւ գիշերային տեսողության սարքավորումներով, ներթափանցել են հատուկ պահպանվող տարածք՝ ակնհայտորեն նպատակ ունենալով որս իրականացնել:

Նշված անձինք կրակել են հիմնադրամի պահպանության տեսախցիկի ուղղությամբ՝ փորձելով վնասել FPWC գույքը:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 12 պատահար. 15 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԸՆԹԱՑԻԿ

ՄԵՎ ՈՒՐԲԱԹԻՆ ԸՆԴԱՌԱՋ՝ ՄԵԾ ԶԵՂԶԵՐ

Սեւ ուրբաթին ճամփորդելու սիրահարները...

Վճարելով ընդամենը 4.000 դրամ...

IDBank-ի Էկոհամակարգի զարգացման...

IDBank-ի Travel Card-ի շնորհիվ հնարավոր է...

ԽՄԵԼՈՒ ՋՐԻ ՄԱԿԱԳԻՆԸ ԶԻ ԹԱՆԿԱՆԱ

Նոյեմբերի 27-ի նիստում ՀՀ հանրային ծառայությունները...

Սոցիալապես անապահով բաժանորդների համար...

Հանձնաժողովի կողմից կատարված մոնիթորինգի...

Հիշեցնենք, որ ՀՀ կառավարությունը նախորդ երկու տարիներին...

ՀԱՅԱՍՏԱՆՆԱԿԱՆ ՇՈՒԿԱ

ԿՈՐՊՈՐԱՏԻՎ ՆՈՐՈՒԹՅՈՒՆՆԵՐԸ՝ ԳԵՐԱԿԵՐԻՌ

2024 թվականի նոյեմբերի 4-ից նոյեմբերի 18-ն ընկած ժամանակահատվածում Հայաստանի ֆոնդային շուկան...



հարաբերական կայունության մասին, սակայն նոր նախագահ Դոնալդ Թրամփի...

Տնտեսական նորություններ

2024 թվականի նոյեմբերի 4-ից նոյեմբերի 18-ն ընկած ժամանակահատվածում Հայաստանի վիճակագրական կոմիտեն...

ԲԱՆԿԱՅԻՆ ՆՈՐՈՒԹՅՈՒՆՆԵՐ

«ՎՏԲ-ՀԱՅԱՍՏԱՆ» ԲԱՆԿԸ ՆՎԱԶԵՑՆՈՒՄ Է ՎԱՐԿԵՐԻ ՏՈՆՈՍԱԳՐՈՒՅՔՆԵՐԸ

«ՎՏԲ-Հայաստան» բանկը նվազեցրել է փոքր բիզնեսի վարկերի տոկոսադրույքները...

Դրական վարկային պատմություն է այլ բանկում գործող վարկ ունեցող փոքր բիզնեսը...

Գրական վարկային պատմություն է այլ բանկում գործող վարկ ունեցող փոքր բիզնեսը...

17% (փաստացի տոկոսադրույք՝ 15,05%-20,07%) կախված գումարից է գրավից:

«Տարբերակային բիզնեսի շատ ոլորտներում աճում է գործարար ակտիվությունը...

Վարկի պայմաններին տեղեկանալի, ինչպես նաև հայտ ներկայացնել կարելի է բանկի կայքում...

Բանկը վերահսկվում է ՀՀ ԿԲ կողմից:

ՎԵՐԱԲԵՐԵՆՊԱՎՈՐԵԼ Է ՄԱՍՆԱՃՅՈՒՂԸ «ՖԱՍԹ ԲԱՆԿ»

«Ֆասթ» բանկը վերաբերենափոխել է Արևմտյան քաղաքի Հանրապետության փողոց 1/72 հասցեում գտնվող մասնաճյուղը:

ճի վերաբերյալ նույնպես վերանայվել են դեպի նվազ:

Սեպտեմբերին Երեւանում շինարարության ծավալների աճը տարեկան կտրվածքով կազմել է 16,5%:

Հանրապետությունում անշարժ գույքի առջուկվածառքի գործարքների թիվը մեկ ամսվա ընթացքում փոքր-ինչ նվազել է՝ 3,9%-ով...

Արժույթի միջազգային հիմնադրամը (ԱՄՀ) Հայաստանում գնաճի կանխատեսումը իջեցրել է մինչև 0,2% (նախկին 3,1% արժեքի դիմաց 2024թ.-ին էլ մինչև 3,1%՝ 2025թ.-ի 3,7%-ից):

AMX.am

հարմարություններով, բանկը մեծացրել է սպասարկման աշխատակազմը:

«Ֆասթ» բանկի Արևմտյան մասնաճյուղի կառավարիչ Հովհաննես Ալավերդյանն ասել է. «Ուրախ եմ, որ այսուհետ մեր հաճախորդներին սպասարկելու ենք վերաբերենափոխված սրահում՝ հազեցած ժամանակակից էլ հարմարավետ սպասարկում իրականացնելու համար անհրաժեշտ բոլոր պայմաններով:

Հիշեցնենք, որ «Ֆասթ» բանկը թողարկել է իր առաջին բանկային՝ Ակնթարտերը, որոնք հասանելի են բանկի բոլոր մասնաճյուղերում:

«Ֆասթ» բանկը թվային բանկ դառնալուն միտված ընկերություն է, որը 24/7 աշխատանքային գրաֆիկով ներկայացված է Հայաստանի բոլոր մարզերում, գործում է նաև բանկի հավելվածը: Ֆասթ բրենդն այս տարի տոնել է ստեղծման 30-ամյակը:

«ժողովուրդ» օրաթերթում էլ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

ՀԱՆՐԱՊԵՏՈՒԹՅԱՆ ԶՈՒՆԻՍԵՑ-Ի ՆԵՐԿԱՅԱՑՈՒՑԻՉՆԵՐԻ ՀԵՏ

ԿՐԹԱԿԱՆ ՆԱԽԱԳԾԵՐԻ ՔՆՆԱՐԿՈՒՄՆԵՐ

ՀՀ կրթության, գիտության, մշակույթի և սպորտի նախարարի տեղակալ Արթուր Մարտիրոսյանը ընդունել է ՅՈՒՆԵՍԿՕ-ի Եվրոպայի և Կենտրոնական Ասիայի վաղ մանկական զարգացման գծով խորհրդակցական Իվելինա Բորիսովային և ՅՈՒՆԵՍԿՕ-ի Եվրոպայի և Կենտրոնական Ասիայի ղեռնարկների և երիտասարդների զարգացման գծով մասնագետ Արդա Միլարովային:



Հանդիպման առանցքում եղել են ՄԱԿ-ի մանկական հիմնադրամի հայաստանյան գրասենյակի 2026-2030 թվականների գործունեության շրջանակի՝ առավելագույնս համապատասխանեցումը ԿԳՄՍՆ առաջնահերթություններին, մասնավորապես՝ վաղ մանկության զարգացման և երիտասարդական քաղաքականության ոլորտներում իրականացվող բարեփոխումներին:

Նախարարի տեղակալ Արթուր Մարտիրոսյանը ողջունել է ՅՈՒՆԵՍԿՕ-ի ներկայացուցիչներին և ընդգծել՝ ՄԱԿ-ի մանկական հիմնադրամը ԿԳՄՍՆ կարելու է գործընկերներից է, որի հետ սերտ համագործակցություն է ընթացում տարբեր ուղղություններով:

Արթուր Մարտիրոսյանը վստահություն է հայտնել՝ ՅՈՒՆԵՍԿՕ-ը կշարունակի աջակցությունը նախադպրոցական կրթության կազմակերպման այլընտրանքային մոդելների տրամադրման ուղղությամբ՝ միջազգային լավագույն փորձի հիման վրա: Նախարարի տեղակալը համոզմունք է հայտնել՝ սա կնպաստի ՀՀ կրթության՝ մինչև 2030 թվականի զարգացման պետական ծրագրով սահմանված թիրախների իրագործմանը:

Նախարարի տեղակալը նաև նշել է՝ շարունակվում է մինչև 2026 թվականը 500 մանկապարտեզի նորոգման, կառուցման ու վերակառուցման ՀՀ կառավարության ծրագիրը: Արթուր Մարտիրոսյանը, որոնցում, որոնցում 10 նախադպրոցական տարիքի երեխաներ, նախատեսվում է այլընտրանքային նախադպրոցական ծառայությունների մոդելի կիրառում կամ տրանսպորտային ծառայության ապահովում՝ հարեան բնակավայրում գործող մանկապարտեզ համախելու համար:

ՅՈՒՆԵՍԿՕ-ի Եվրոպայի և Կենտրոնական Ասիայի վաղ մանկական զարգացման գծով խորհրդակցական Իվելինա Բորիսովային շեշտել է նախադպրոցական ոլորտում ներառական կրթության պատշաճ իրականացման, ինչպես նաև հոգեկան առողջությանը վերաբերող ծրագրերի ապահովման կարևորությունը: Այս համատեքստում Իվելինա Բորիսովային ընդգծել է Հայաստանի դրական փորձն ու պատրաստակամություն հայտնել շարունակելու աջակցությունը մանկավարժական աշխատողների կարողությունների զարգացման ուղղությամբ՝ կրթության առանձնահատուկ պայմանների կարիք ունեցող երեխաների հետ աշխատանքն ավելի արդյունավետ կազմակերպելու նպատակով:

Հանդիպման ընթացքում քննարկվել են նաև երկկողմ հետաքրքրություն ներկայացնող այլ հարցեր:

ՄԱՐԶԱԿԱՆ

ՈՐ ԹԻՄԸ ԳԱՐԶԱՎ ԶԵՄՊԻՈՆ

Բելառուսի առաջնության ավարտից 1 տուր առաջ Մինսկի Դինամոն դարձել է չեմպիոն: Նախավերջին տուրում մայրաքաղաքային թիմը 1-0 հաշվով հաղթել է ԲՍԷ-ին ու անհասանելի դարձել երկրորդ տեղում գտնվող «Նեմանի» համար:

«Դինամոն» վաստակել է 67 միավոր, իսկ «Նեմանը»՝ 62:

Մինսկը ներկայացնող ակումբը երկրորդ տարին անընդմեջ է պատմության մեջ 9-րդ անգամ դարձավ Բելառուսի չեմպիոն: Տիտղոսների քանակով առաջատարը ԲՍԷ-ն է՝ 15:

Հիշեցնենք, որ 2024-25 մրցաշրջանի Չեմպիոնների լիգայի որակավորման առաջին փուլում «Դինամոն» պայքարից դուրս էր թողել Հայաստանի չեմպիոն «Փյունիկին»:

3 ՈՍԿԵ ՄԵԳԱՆ ԱՌՑԱՆՑ ՄՐՑԱՇԱՐՈՒՄ

Հայաստանի առաջատար մարմամարզիկները մեդալներ են նվաճել առցանց ձեռնարկով անցկացված Platinum League մրցաշարում:

2024թ. Փարիզի Օլիմպիական խաղերի փոխչեմպիոն, աշխարհի չեմպիոն, Եվրոպայի առաջնությունների կրկնակի ոսկե մեդալակիր Արթուր Դավթյանը 14,487 միավորով ոսկե մեդալ է նվաճել հենացատկում:

Օղակների վրա 13,925 միավորով ոսկե մեդալակիր է դարձել Արթուր Ավետիսյանը, Փարիզի Օլիմպիական խաղերին մասնակցած Վահագն Դավթյանն էլ 6-րդ տեղն է գրավել՝ 12,700 միավորով:

Նժույզ թափեր վարժությունում երիտասարդների աշխարհի չեմպիոն Համլետ Մանուկյանը վաստակել է 14,575 միավոր և դարձել ոսկե մեդալակիր: Արծաթե մեդալ էլ բաժին է հասել Գագիկ Խաչիկյանին, որը վաստակել է 14,525 միավոր:

MLS-Ի ԿԻՄԱՆՉՐԱՓԱԿՉԻ ԶՈՒՅԳԵՐԸ

LS-ի փլեյ-օֆֆում հայտնի են դարձել կիսաեզրափակչի զույգերը:

«Օռլանդո Սիթին» կմրցի «Նյու Յորք Ռեդ Բուլսի» հետ, իսկ «Լոս Անջելես Գելեքսին»՝ «Սիեթլ Սաունդերսի»:

Քառորդ եզրափակչում «Լոս Անջելես Գելեքսին» տնային խաղում 6-2 հաշվով վստահ հաղթանակ էր տարել «Միներսոտայի» նկատմամբ:

«Սիեթլ Սաունդերսը» հյուրընկալվելիս լրացուցիչ ժամանակում 2-1 հաշվով կամային հաղթանակ էր տարել «Լոս Անջելեսի» նկատմամբ:

«Նյու Յորք Ռեդ Բուլսը» մրցակցի դաշտում 2-0 հաշվով պարտության էր մատնել «Նյու Յորք Սիթին»: «Օռլանդո Սիթին» էլ ընդունել էր «Ատլանտա Յունայթեդին» և հաղթել 1-0 հաշվով:

Կիսաեզրափակչի հանդիպումները կայանալու են դեկտեմբերի 1-ին:

«ԻՄ ՄԱՅՎԱՆ ՕՐԸ ԿԻՋՆԻ ԼՈՒՌՅՈՒՆ...»: ԶԱՐԵՆՑ ԶԻՇԱՏԱԿԻ ՕՐ

Հայ մեծանուն դոկտեր Զարենցը (իսկական անունը՝ Եղիշե Աբրահամ Մողղունյան), ծնվել է 1897թ. մարտի 25-ին Կարս քաղաքում՝ բազմազավակ հայի ընտանիքում: 1908թ. Զարենցն ընդունվել է Կարսի վարժարան, ուր դպրոցական «Գարուն» արձանագրում հրատարակվել են նրա բանաստեղծությունները: Մանկավ ինքնապատկերում՝ արդեն ձևավորվող դոկտերն իր գիտելիքները հարստացրել է անդադար կարդալու միջոցով: 1914թ. Կարսում լույս է տեսել գրողի «Զարենց» գրական կեղծանունով «Երեք երգ Տիրապետի աղջկան» բանաստեղծությունների ժողովածուն:



1915թ. Եղիշե Զարենցը մեկնում է Մոսկվա՝ Շանյավսկու համալսարանում ուսումը շարունակելու նպատակով: 1919թ. վերադառնում է Երեւան և սկսում դասավանդել դպրոցում: Այդ տարի Թիֆլիսում լույս է տեսնում «Ամբոխները խելագարված» հանճարեղ պոեմը:

1921թ. Եղիշե Զարենցն ամուսնանում է Արփեմիկ Տեր-Աստվածատրյանի հետ: Վերջինս ծանր հիվանդության հետեւանքով 1927թ. մահանում է: Կնոջ հիշատակին

Զարենցը բազմաթիվ բանաստեղծություններ է գրել: 1931թ. նորից է ամուսնանում: Շատ չանցած կինը՝ Իզաբելլա Զարենցը, նրան դուստր է ծնում, որին Արփեմիկ են կոչում, իսկ 1935թ. ծնվում է նրանց 2-րդ դուստրը՝ Անահիտը:

1936թ. հուլիս-օգոստոս ամիսներին սկսվում են հայ մտավորականության ձերբակալությունները: Եղիշե Զարենցին սեպտեմբերին տնային կալանքի են ենթարկում մեղադրելով ահաբեկչության և ազգայնականության մեջ: Բոլոր գրախանութներից «վերացնում» են նրա գրքերը, իսկ նորերի հրատարակումը՝ դադարեցնում: Սկսվում են ճնշումները ընտանիքի հանդեպ: Որոշ ժամանակ անց բանաստեղծին ձերբակալում են և հակասովետական գործունեություն իրականացնելու շինծու մեղադրանք ներկայացնում: Շատ չանցած՝ 1937թ. նոյեմբերի 27-ին, Եղիշե Զարենցն իր մահկանացուն է կնքում երեսնայն բանտերից մեկի հիվանդանոցում: Ըստ պաշտոնական վարկածի՝ դիաբետոսով փաստել է, որ մահվան պատճառը չափազանց տկարացած առողջական վիճակն է եղել, ինչի պատճառները եղել են բազմաթիվ հիվանդությունները, բանտային բռնաճնշումները:

ԱՆՆԱ ՄՈՒՂԻՈՆՅԱՆ

ՀԱՍՏԱՐԱԿԱՅՆՈՒԹՅԱՆ ԾԱՆՈՒԹՈՒՄ

Շրջակա միջավայրի նախարարության Ջրային ռեսուրսների կառավարման վարչության կողմից ՀՀ ջրային օրենսգրքի եւ ՀՀ Կառավարության 07.03.2003թ. N217-Ն եւ 03.08.2023թ. N1332-Ն որոշումների պահանջների համաձայն՝ մշակվում է «Գեղարքունիք» ԶՕԸ-ի Գեղարքունիքի մարզի Վարդենիս համայնքի Ազատ/40,0 հա/, Գեղամասար/40,0 հա/, Լուսակունք /77,0 հա/, Խաչաղբյուր /60,0 հա/, Կախակն /32,0 հա/ եւ Մեծ Մասրիկ /678,0 հա/ բնակավայրերի վարչական տարածքներում գյուղատնտեսական /ոռոգում/ նպատակով համապատասխանաբար՝ ստորերկրյա ջրային ռեսուրսից՝ 419.6 /լ/ ջրառ իրականացնելու ջրօգտագործման թույլտվության ստացման նախագիծը:

Բոլոր շահագրգիռ անձինք, ովքեր կցանկանան ծանոթանալ փաստաթղթի մշակման աշխատանքներին և փաստաթղթի նախագծի նախնական տարբերակին, կարող են աշխատանքային օրերին՝ ժամը 17:00-ից 18:00-ն, դիմել ջրային ռեսուրսների կառավարման և պահպանության մարմին (հասցեն՝ Կառավարական 3-րդ տուն, 5-րդ հարկ):

Ծանուցմամբ ներկայացված փաստաթղթի նախագծի նախնական տարբերակի վերաբերյալ դիտողություններ եւ առաջարկություններ ներկայացնելու դեպքում փաստաթղթի քննարկումը տեղի կունենա 2024 թվականի դեկտեմբերի 3-ին՝ ժամը 16:00 -ին, հասցե՝ Կառավարական 3-րդ տուն, 5-րդ հարկ, 541 սենյակ:

Շրջակա միջավայրի նախարարություն

● Նոյեմբերի 29-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Օրնիֆլ» ներկայացումը: Տոմսերի արժեքը՝ 2.000-4.000 դրամ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՏՆՏԵՍԱԿԱՆ

ՀԱՐՑ. Ի՞նչ է ՏԵԽՆԻԿԱԿԱՆ ԿԱՆՈՆԱԿԱՐԳը:
Սկրոլիչ Սաֆարյանը (36 տարեկան)



ՊԱՏԱՍԽԱՆ. Տեխնիկական կանոնակարգը փաստաթուղթ է, որն ընդունվել է՝ ՀՀ օրենսդրությամբ սահմանված կարգով վավերացված ՀՀ միջազգային պայմանագրերին համապատասխան կամ ՀՀ օրենքով կամ ՀՀ կառավարության որոշմամբ, որով սահմանվում են արտադրանքի բնութագրերի եւ (կամ) արտադրանքի հետ կապված գործընթացներին, արտադրական եղանակներին՝ ներառյալ կիրառվող վարչական դրույթներին ներկայացվող կատարման եւ կիրառման համար պարտադիր պահանջներ, ինչպես նաեւ արտադրանքի ներմուծման եւ շուկայահանման պայմաններ: Այն կարող է ներառել նաեւ արտադրանքի, գործընթացի կամ արտադրական եղանակի նկատմամբ կիրառվող հասկացություններ, պայմանանշաններ, փայթեթավորման, մակնշման եւ պիտակավորման պահանջներ, սանիտարական, բուսասանիտարական, անասնաբուժասանիտարական նորմեր, ինչպես նաեւ արտադրանքի գրանցման մասին պահանջներ:

Շուկայի վերահսկողության տեսչական մարմին

«ԺՈՂՎՈՐԴ». Փորձանմուշների կանխիկ գնում կատարելու համար անհրաժեշտ դրամական միջոցները գոյանում են Հայաստանի Հանրապետության տվյալ տարվա պետական բյուջեով այդ նպատակի համար նախատեսված միջոցներից: Տեսչական մարմնի ղեկավարի կողմից տրված ստուգում իրականացնելու մասին հրամանի կամ հանձնարարագրի հիման վրա ստուգման իրականացման ընթացքում ստուգաթերթի համապատասխան հարցը պարզաբանելու նպատակով գնման ենթակա փորձանմուշների քանակի ու պահանջվող գումարի հաշվարկը ներկայացվում է Հայաստանի Հանրապետության տնտեսական զարգացման եւ ներդրումների նախարարության (այսուհետ՝ նախարարություն) աշխատակազմի ղեկավարին փորձանմուշների գնման համար անհրաժեշտ դրամական միջոցների տրամադրումն ապահովելու նպատակով:

ԿԱՐԳ

ՀԱՐՑ. Ո՞ր օբյեկտներն են ենթակա լիցենզավորման:

Մարինե Դանիելյան (47 տարեկան)



ՊԱՏԱՍԽԱՆ. Լիցենզավորման ենթակա օբյեկտներն են բնակավայրերում կառուցվող 300 քմ ընդհանուր մակերեսը չգերազանցող, մինչեւ երկու վերգետնյա ու մեկ ստորգետնյա հարկ ունեցող անհատական բնակելի տները, հաստատված բազմակի օգտագործման օրինակելի նախագծերով կառուցվող օբյեկտները, 150 քմ ընդհանուր մակերեսը չգերազանցող օժանդակ շինությունները եւ 50 քմ ընդհանուր մակերեսը չգերազանցող ավտոտնակները, 1000 քմ ընդհանուր մակերեսը չգերազանցող ջերմոցները, 500 քմ ընդհանուր մակերեսը չգերազանցող գյուղատնտեսական արտադրական նշանակության ոչ հիմնական շինությունները եւ 100 քմ ընդհանուր մակերեսը չգերազանցող հասարակական նշանակության ոչ հիմնական շինությունները: Վերոնշյալ օբյեկտների շինարարական աշխատանքները պետք է կատարվեն տնտեսական եղանակով, առանց լիցենզավորված կապալառուի եւ շինարարության որակի տեխնիկական հսկիչի ներգրավման:

ՀՀ քաղաքաշինության կոմիտե

«ԺՈՂՎՈՐԴ». ՀՀ լիցենզավորման մասին օրենքով սահմանվել է լիցենզավորման ենթակա տեսակների ցանկից հանվել են մի շարք օբյեկտների նկատմամբ լիցենզավորված կազմակերպությունների կողմից շինարարությունն իրականացնելու պահանջը, որոնց նկատմամբ կիրառվում է հսկողություն՝ համարելով դրանք չլիցենզավորված գործունեություն:

ԼՈՒՐ ԿԱՂԻ

Լուսանկարը՝ համացանցից



Նոյեմբերի 27-ից սկսված ձյունը իսկական ծմեռ էր բերել: Թեպետ մայրաքաղաք Երեւանում ձյունը չծածկեց մայրերը, բայց մի շարք մարզերում օրինակ Շիրակի Փոքրաշեն գյուղում, ինչպես տեսնում ենք լուսանկարից, իսկական ծյունաշատ ծմեռ էր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎԱՐԴ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 - 6 +4 + 8
Կոտայքի լեռներ	-1 - 5 +4 + 9
Կոտայքի նախալեռներ	-1 + 3 +9 + 12
Գեղարքունիք	-3 - 7 +5 + 8
Լոռի	-1 - 5 +10 + 13
Տավուշ	-2 + 3 +12 + 14
Արագածոտնի լեռներ	-2 - 6 +2 + 7
Արագածոտնի նախալեռներ	-2 + 2 +8 + 13

Արարատ	-1 + 2 +13 + 15
Արմավիր	-2 + 2 +13 + 15
Վայոց ձորի լեռներ	-1 + 2 +3 + 6
Վայոց ձորի նախալեռներ	-1 + 2 +12 + 14
Սյունիքի հովիտներ	-1 + 5 +8 + 12
Սյունիքի նախալեռներ	+1 + 5 +12 + 16
ԼՂՀ	0 + 4 +11 + 14
Երեւան	+6 + 8 +11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ.՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 27.11.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էր կարդալ
«Ժողովուրդ» օրաթերթի այսօրվա համարում»: